

藝術典第四百十二卷

醫部彙考三百九十二

婦人產後門三 方一

四物湯 治婦人胎產諸疾多用此湯加減

熟地 川芎 芍藥 當歸 分量加減法詳後 右咬咀水煎服

產後悶亂四物湯加茯神遠

志各半兩

產後敗血築心四物湯加地骨皮芍藥

產後潮熱四物湯加白朮北柴胡甘

草牡丹皮地骨皮有熱加黃芩汗多加浮麥

產後腹痛血塊攻腸四物湯加大艾沒藥好酒

產後病眼四物湯加北細辛羌活荆芥菊花甘草木賊石決明草決明

產後浮腫氣急腹大

喉中水雞聲四物湯加牡丹皮荆芥白朮桑白皮赤小豆大腹皮杏仁半夏馬兜鈴生薑葱白薄

荷 產後不語失音四物湯加訶子人參沙蜜百藥煎

產後欲推陳致新補血海治諸疾

四物湯加生薑煎服

產後血塊不散或亡血過多惡露不止四物湯加茱萸煎服陽臟人少

使茱萸陰臟人多使茱萸

婦人產後四物湯每日可一二服

產後痢風四物湯加乳香

龍骨茱萸木香肉桂蒼朮牡丹皮白薇人參甘草澤蘭大椒懷香

產後被驚氣滯種種積滯

敗血一月內惡物微少敗血作病或脹或疼胸膈脹悶或發寒熱四肢疼痛四物湯加延胡索沒藥香白芷等分爲細末淡酢湯或童子小便酒調下

產後血風乘虛發作或產後傷風頭痛

發熱百骨節痛四物料共一兩中加荊芥穗天麻香附子石膏麝香各一分每服三錢水一盞煎五七分服

產後發熱頭疼四物湯加石膏一兩甘草半兩

產後虛憊發熱煩悶四物湯

加生地黃

產後腹脹四物湯加枳殼肉桂各三錢

產後惡露腹痛不止四物湯加桃仁

蘇木牛膝

產後寒熱往來四物湯加柴胡麥門冬各半兩

黑神散

仲景下同

一名烏金散治婦人產後惡露不盡胞衣不下攻衝心胸痞滿或臍腹堅脹撮痛及

血運神昏眼黑口噤產後瘀血諸疾並皆治之

按烏金散注云此方治產後十八證一曰因

熱病胎死腹中二曰產難三曰胞衣不下四曰血運五曰口乾心悶六曰乍寒乍熱七曰虛腫八

曰乍見鬼神九曰月內不語十曰腹痛泄瀉

兼服止瀉調氣藥

十一曰偏身疼痛十二曰血崩十三曰血

氣不通欬嗽十四曰寒熱心痛月候不來十五曰腹脹滿嘔逆不定

次服朱砂丸三二日炒生薑酢湯下七丸

十六曰

口鼻黑氣及鼻衄此證不治 十七曰喉中氣喘急死不治 十八曰中風

熟乾地黄 炒蒲黃 當歸 乾薑灰 桂心 芍藥 甘草各四兩 黑豆炒去皮半升 右爲

細末每服二錢酒童便各半盞同煎服此方寒多者用之佳

大承氣湯 治產後惡露不盡不大便煩躁發熱脈微實日晡益甚不食食則譫語至夜卽愈亦治

胃實

大黃酒洗四兩 厚朴炙半斤 枳實炙五枚 芒硝三合 右以水一斗先煮厚朴枳實取五升

去滓內大黃煮取二升去滓內芒硝更上火微一二沸分溫服得下止服

小柴胡湯 治產後鬱冒便難嘔不能食汗多病瘥及草蓐露風四肢煩熱頭痛等證

黃芩 人參 甘草 生薑各三兩 柴胡半斤 半夏半升 大棗十二枚 右以水一斗二升

煮取六升去滓再煎取三升溫服一升日三服

竹葉湯活人書 一名竹葉防風湯治產後中風發熱頭疼喘而面赤

竹葉一把 葛根三兩 防風 桔梗 桂枝 人參 甘草各一兩 大棗十五枚 生薑五兩

右咬咀以水一斗煮取二升半分溫三服溫覆使汗出 若頸項强者用附子一枚破之如豆

大煎藥揚去沫 若嘔者加半夏半升一方用桂心不用桂枝

白頭翁加甘草阿膠湯 治產後下痢虛極

白頭翁 甘草 阿膠各二兩 秦皮 黃連 蘼皮各二兩 右六味以水七升煮取二升半內

膠令消盡分溫三服

大黃甘遂湯 治產後水與血結在血室

大黃四兩 甘遂 阿膠各二兩 右三味以水三升煮取一升頓服之其血當下

陽旦湯

活人書下同

治產婦傷風發熱惡寒汗出乾嘔心下堅頭微疼十數日不解

桂心 芍藥各三兩 甘草 黃芩各二兩 右剉如麻豆大每服五錢水一盞半棗子一枚生薑

三片煎至一盞取八分清汁溫服 如自汗甚者去桂心加炮附子一枚 如渴者去桂心

加苦棗三兩 如自利者去芍藥桂心加乾薑三兩 如心下悸者去芍藥加茯苓四兩

如虛勞裏急者正陽旦湯主之煎時入膠飴爲佳若脈浮緊無汗發熱者不可與也

羊肉湯

千金方下同

治產後虛羸喘乏自汗出腹中絞痛

肥羊肉去脂三斤

當歸

桂心

甘草各二兩

芎藭三兩

芍藥

生薑各四兩

乾地黄五

兩 右咬咀以水一斗半先煮肉取七升去肉內餘藥煮取三升去滓分三服不瘥重作一方有

葱白一斤一方胸中微熱加黃芩麥門冬各一兩大便不和加大黃一兩小便難加葵子一兩上

氣欬逆加五味子一兩一方不用當歸用葱白一方不用芍藥用葱白一方不用芎藭用豉一升

羊肉黃芪湯

治產後虛乏

羊肉二斤

黃芪三兩

大棗三十枚

乾地黄

甘草

當歸

桂心

麥冬

茯苓

芍藥各

二兩

右咬咀以水二斗煮羊肉取一斗去肉內諸藥煎取二升去滓分三服一日三次服盡

鹿肉湯

治產後虛羸勞損

鹿肉四斤

乾地黄

甘草

芎藭

黃芪

芍藥

麥冬

茯苓各二兩

人參

當歸

生薑

各一兩 半夏一升

大棗二十枚

右以水二斗五升煮肉取一斗三升去肉內藥煎取五升去

滓分四服日三夜一一方去麥冬加獨活秦艽黃芩桂心阿膠治產後風虛頭痛壯熱言語邪僻

麋骨膏

治產後虛乏五勞七傷虛損不足臟腑冷熱不調

麋骨一具

遠志 黃芪 芍藥 乾薑 防風 茯苓 厚朴各三兩 當歸 橘皮 甘草

獨活

川芎各三兩 桂心 生薑各四兩 右以水三斗煮麋骨取二斗去骨內藥煎取五升

去滓分五服

當歸芍藥湯

治產後虛損逆害飲食

當歸一兩半

芍藥 人參 桂心 生薑 乾地黄 甘草各一兩 大棗二十枚 右㕮咀以

水七升煮取三升去滓分三服一日三次服盡

杏仁湯

治產後虛氣

杏仁 橘皮

白前 人參各二兩 生薑十兩 蘇葉 半夏各一升 麥冬二兩 桂心四兩

右以水一斗二升煮取二升半去滓分五服

乳蜜湯

治產後七傷虛損少氣不足并腎勞寒冷

牛乳七升惡則用羊乳 白蜜一升半 當歸 人參 獨活各三兩 大棗二十枚 甘草 桂

心各二兩 右咬咀諸藥投乳蜜中煮取三升去滓分四服

五石湯 治產後虛冷七傷時寒熱體痛乏力補腎治百病

紫石英 鍾乳 白石英 赤石脂 石膏 茯苓 白朮 桂心 川芎 甘草各二兩 薤白

六兩 人參 當歸各一兩 生薑八兩 大棗二十枚 右五石並爲末諸藥各咬咀以水一斗

二升煮取三升六合去滓分六服 若中風加葛根獨活各二兩 若下痢加龍骨一兩

三石湯 治證同前

紫石英 生薑 當歸 人參 甘草各二兩 白石英 鍾乳各二兩半 茯苓 乾地黄 桂

心各二兩 半夏五兩 大棗十五枚 右三石爲末諸藥以水一斗五升煮取三升去滓分四服

若中風加葛根四兩

竹葉湯 治產後心中煩悶不解

生淡竹葉 麥門冬各一升 甘草二兩 生薑 茯苓各三兩 大棗十四枚 小麥三合 右

以水一斗先煮竹葉小麥取八升內諸藥煮取三升去滓分三服 若心中虛悸者加人參二

兩

若其人食少無穀氣者加粳米五合

若氣逆者加半夏二兩

淡竹茹湯

治產後虛煩頭痛短氣欲絕心中悶亂不解

淡竹茹一升

麥冬

小麥各五合

甘草一兩

生薑三兩

大棗十四枚

右以水一斗煮竹

茹小麥取八升去滓乃內諸藥煮取二升去滓分二服羸人分作三服

若有人參入二兩無

人參內茯苓一兩半亦佳人參茯苓皆治心煩悶及心虛驚悸安定精神有則爲良無自依方服

一劑不差更作

若氣逆者加半夏二兩一方不用生薑用乾葛一方不用大棗用石膏三兩

蜀漆湯

治產後虛熱往來心胸煩滿骨節疼痛及頭痛壯熱晡時輒甚又如微瘧

蜀漆葉

桂心

甘草

黃芩各一兩

知母

芍藥各二兩

黃芪五兩

生地黃一斤

右以

水一斗煮取三升分三服

芍藥湯

治產後虛熱頭痛及腹中拘急

白芍藥

乾地黃

牡蠣各五兩

桂心三兩

右以水一斗煮取二升半去滓分三服一日三次

服盡

若通身發熱加黃芩二兩

甘草湯 治在寧中風背強不得轉動名曰風瘓

甘草 乾地黄 麥門冬 麻黃各十兩 川芎 苦蘘根 黃芩各三兩 杏仁五十枚 葛根

半斤 右九味㕮咀以水一斗五升酒五升合煮葛根取八升去滓內諸藥煮取三升去滓分再服

一方有前胡三兩

獨活湯 治產後中風口噤不能言

獨活 生薑各五兩 防風 秦艽 桂心 白朮 甘草 當歸 附子 葛根各二兩 防己

一兩 右以水一斗二升煮取三升去滓分三服

獨活酒 治產後中風

獨活一斤 桂心三兩 秦艽五兩 右以酒一斗半漬三日飲五合稍加至一升不能多飲隨性

服

小獨活湯 治產後百日中風瘓口噤不開并治血氣痛勞傷腎虛

獨活半斤 葛根 生薑各六兩 甘草二兩 右以水九升煮取三升去滓分四服微汗佳

五石湯

治產後卒中風發疾口噤倒悶吐沫愙癡眩冒不知人及濕痹緩弱身體癱妊娠百病

鍾乳

赤石脂 石膏 白石英 牡蠣 人參 黃芩 白朮 甘草 苦蘘根 川芎 桂心

防己

當歸 乾薑各一兩 葛根四兩 獨活 紫石英各三兩 右末五石咀諸藥以水一

斗四升煮取三升半分五服日三服夜二服一方有滑石寒水石各二兩棗二十枚

四石湯

治產後卒中風發疾口噤癰悶滿不知人并緩急諸風毒痺身體癱強及挾胎中風婦

人百病

紫石英

白石英 石膏 赤石脂各三兩 獨活 生薑各六兩 葛根四兩 桂心 川芎

甘草

芍藥 黃芩各二兩 右咀咀以水一斗二升煮取三升半去滓分五服

三物黃芩湯

治婦人在蓐得風四肢煩熱頭不痛

黃芩

苦參各二兩 乾地黄四兩 右以水八升煮取二升去滓適寒溫服一升日二服多吐下

蟲

防風酒

治產後中風

防風 獨活各二斤 石斛五兩 女萎 桂心 茵芋各一兩 右以酒三斗漬三宿初服一合稍加三四合日二服

茯神湯 治產後忽苦心中衝悸或志意不定恍惚言語錯謬心虛所致

茯神四兩 人參 茯苓 芍藥 甘草 當歸 桂心各三兩 生薑八兩 大棗三十枚 右

以水一斗煮取三升去滓分三服日二服夜一服

達志湯 治產後忽苦心中衝悸不定志意不安言語錯謬恍惚憤憤情不自覺

芍藥一兩 達志 麥冬 人參 甘草 當歸 桂各二兩 茯苓五兩 生薑六兩 大棗二

十枚 右以水一斗煮取三升去滓分三服一日三次服盡羸者作四服 產後得此正是心虛

所致無當歸用芎藭 若其人心胸逆氣用半夏三兩

茯苓湯 治產後暴苦心悸不定言語錯謬恍惚心中憤憤此皆心虛所致

茯苓五兩 甘草 芍藥 桂心 當歸各二兩 生薑六兩 麥門冬一升 大棗三十枚 右

以水一斗煮取三升去滓分三服一日三次服盡 若無當歸可用芎藭 若苦心志不定

加人參二兩遠志二兩

若苦煩悶短氣加生竹葉一升以水一斗三升煮竹葉取一斗內藥

若有微風加獨活三兩麻黃桂心各二兩用水一斗五升

若頸項苦急背膊强者加獨活葛

根各三兩麻黃桂心各二兩生薑八兩用水一斗半

安心湯

治產後心衝悸不定恍恍惚惚不自知覺言語錯誤虛煩短氣志意不定心虛所致

遠志 甘草各二兩

人參 茯神

當歸

芍藥各三兩

麥門冬一升

大棗三十枚

右以

水一斗煮取三升去滓分三服一日三次服盡

若苦虛煩短氣者加淡竹葉二升水一斗二

升煮竹葉取一斗內藥

若胸中少氣者益甘草爲三兩

甘草圓

治產後心虛不足虛悸心神不安呼吸乏氣或若恍恍惚惚不自知覺者

甘草 遠志

菖蒲各三兩

人參

麥門冬

乾薑

茯苓各二兩

澤瀉

桂心各一兩

大

棗五十枚

右爲細末蜜和丸如豆大酒服二十丸日四五服夜再服不知稍加

若無澤瀉以

白朮代之

若胃中冷增乾薑

人參圓

治產後大虛心悸志意不安不自覺恍恍惚恐畏夜不得眠虛煩少氣

人參 甘草 茯苓各三兩 麥冬 菖蒲 澤瀉 薯蕷 乾薑各二兩 大棗五十枚 桂心
一兩 右爲細末以蜜棗膏和丸如梧子大食前酒服二十丸日三服夜一服不知稍增 若有

遠志內二兩爲善 若風氣內當歸獨活各三兩

大遠志圓 治產後心虛不足心下驚悸志意不安恍惚惚腹中拘急痛夜臥不安胸中吸吸少
氣內補傷損益氣安定心神亦治虛損

乾薑四兩 遠志 甘草 桂心 茯苓 麥冬 人參 當歸 白朮 澤瀉 獨活 乾地黃
菖蒲各三兩 薯蕷 阿膠各二兩 右爲末蜜和丸如豆大未食溫酒服三十丸日三服不知稍
增 若大虛身體冷少津液加鍾乳三兩

乾地黃湯 治產後兩脅滿痛兼除百病

乾地黃 芍藥各三兩 當歸 蒲黃各二兩 生薑五兩 桂心六兩 甘草一兩 大棗二十
枚 右以水一斗煮取一升半去滓分作三服一日三次服盡

芍藥湯 治產後苦腹痛

芍藥六兩 桂心 生薑各三兩 甘草二兩 膠飴八兩 大棗十二枚 右以水七升煮取四升去滓內膠飴令烱分三服一日三次服盡

當歸湯 治產後大虛心腹絞痛厥逆

當歸 芍藥各二兩 生薑五兩 羊肉一斤 右以水八升煮羊肉熟取汁煎藥得三升適寒溫服七合日三次服一方有甘草一方不用芍藥名小羊肉湯

羊肉湯 治產後及傷寒大虛上氣腹痛兼微風

肥羊肉二斤 茯苓 黃芪 乾薑各三兩 甘草 獨活 桂心 人參各二兩 麥冬七合 生地黃五兩 大棗十二枚 右咬咀以水二斗煮肉取一斗去肉煮藥取二升半作四服日三服夜一服一方無羊肉可用麋鹿肉一方無乾薑

羊肉當歸湯 治產後腹中心下切痛不能食往來寒熱若中風乏氣力

羊肉三斤 當歸 黃芩 川芎 防風 甘草 芍藥各三兩 生薑四兩 右以水一斗二升先煮肉熟減半內餘藥取三升去滓分三服一日三次服盡一方以黃芪代黃芩白朮代芍藥名

大羊肉湯一方以桂心代防風加大棗十七枚一方以黃芪代黃芩人參代防風

羊肉杜仲湯 治產後腰痛欬喘

羊肉四斤 杜仲炒 紫菀茸 當歸 白朮 桂心各三兩 生薑八兩 細辛 款冬花 人

參 厚朴 川芎 五味 附子 萆薢 甘草 黃芪各二兩 大棗三十枚 右以水一斗半

煮肉取汁一斗去肉內藥煎取三升半去滓分五服日三服夜二服

羊肉生地湯 治產後三日腹痛補中益臟強氣力消瘀血

羊肉三斤 生地黃切二升 當歸 甘草 川芎 人參 桂心各二兩 芍藥三兩 右以水

二斗煮肉取一斗去肉內藥煎取三升分四服日三服夜一服

內補芎藭湯 治婦人產後虛羸

川芎 乾地黃各四兩 芍藥五兩 桂心二兩 甘草 乾薑各三兩 大棗四十枚 右以水

一斗二升煮取三升去滓分三服一日三次服盡若服至三劑有寒苦微下加附子三兩

大補當歸湯 治產後虛損不足腹中拘急或溺血少腹苦痛或從高墮下犯內

當歸 續斷 桂 芎藭 乾薑 麥冬各三兩 甘草 白芷各二兩 芍藥四兩 吳茱萸一升 乾地黃六兩 大棗四十枚 右以酒一斗漬藥一宿明旦以水一斗合煮取五升去滓分五服日三服夜二服若入黃芪二兩益佳

吳茱萸湯 治婦人先有寒冷胸滿痛或心腹刺痛或嘔吐食少或腫或寒或下痢氣息綿懈欲絕產後益劇

吳茱萸三兩 防風 桔梗 乾薑 甘草 細辛 當歸各十二銖 乾地黃十八兩 右以水四升煮取一升半去滓分再服

蒲黃湯 治產後餘疾胷中少氣腹痛頭疼餘血未盡腹中脹滿

蒲黃 地黃 生薑各五兩 芒硝二兩 芎藭 桂心各一兩 桃仁二十枚 大棗十五枚

右以水九升煮取二升半去滓內芒硝分三服一日三次服盡

敗醬湯 治產後腹痛引腰腹中如錐刀所刺

敗醬三兩 桂心 川芎各一兩半 當歸一兩 右以清酒二升水四升微火煮取二升去滓適